

贛州府志卷二十九

縣名宦

十二城今留其九以一郡領九城官師之衆幾數千人每一邑中令丞簿尉儒學不一職其得列於名宦傳者僅若干人人或一二事足書或不必舉其事而可想見其循良彷彿其經濟且有簿尉之微能效忠守死以殉城者到今猶稱焉仍按代著之而寧瑞石并附見於冊

宋 陳希亮 程 珣 曾 筐 王 希蕭化基

沈希顏 蔡承禧 錢 顛 蕭 佐 王 鬲

張汝賢 葉 蕘 謝 麟 蔡 懋 魏 懋

贛州府志

卷二十九

縣名宦

一

董 逵 劉 藻 陳剛中趙汝回 段秀實

劉安世 戴翊世 繆觀國 孫逢辰 趙師俠

雷 豐 莊 夏 司馬遠 萬 億 吳柔勝

邱 麟 鄭 輪 葉 湜 周 頌 劉 弁

李 進 蔡志學 黃邦彥 羅 椅 何 時

胡文舉

元 陳 泰 楊景行 李 廉 李 敬 陳文彬

朱克敬

明 崔天錫宋 宏 李 玉 黃六八 陸 賢

宋濂 楊霄遠 莘持敬 周 泰 宮好禮

唐子儀 李子昭 陳九思 徐 遜 弋文七

王文孜 許庸 寇淮 李素 陳璉

王琳 王學古 唐瑜 黃振 林同

林鈍 丁杰 朱奎 張勝 楊友諒

項德輝 何讓 陳榮 達泰 梁潛

何文縉 袁天麒 黃世忠 瞿顯 甘文紹

胡宏仁 甘應奎 蔣曙 蔡夔 吳玘

紀鏞 黃泗 汪穎 劉深 殷佐

沈璇 吳誠 王寬 盧宁 張裕

陳仕 陳仲芳 李鳳朝 沈桂 蕭棟

應本泉 李多祚 龔有成 陳瀾 海瑞

張應星 邵子遷 闕玉成 蔡應麟 方茂梧

贛州府志

卷二九

縣名宦

二

何一達 張對 陳行可 沈文淵 劉世懋

劉昌祚 崔允升 章瑩 刁夢麟 劉一臨

薛雲綬 黃夢熊 吳宗周 阮悉 張以誠

賽啟臯 袁孔萬 蔡鍾有 鄭楚勳 王六如

陳履忠

國朝戴光陞 曹廷偉 呂應夏 曹邦偉 郭自修

吉永迪 王洵 趙夢仁 蔡國相 祝天壽

王煊焜 黃之麟 黃里 沈元箕 余開熙

李祐之 王枚 董喆 王璋 井廡

王凝命 張湫 錢志泗 郭毓秀 余龍翔

劉治國 黃惟桂 倪長犀 劉翰芳 李楓

柴 煌 劉爲先 李欽祖 楊允和 盧振先  
鄧 霽 徐 暘 梁 穆 張尚瑗 楊 玠  
汪士秀 黃 鶴 高成麟 蔡賓興 金履寬  
蔣尚德 張照乘 趙國器 鄭昌齡 沈 濤  
余應祥 左修品

宋

陳希亮字公弼青神人天聖八年進士知雩都有老吏曾  
腆舞法粥獄以希亮年少易之希亮廉得其罪腆叩頭  
出血願自新希亮戒而捨之會築學腆以家財助官悉  
遣子弟入學卒爲善吏巫覡歲斂民財祭鬼謂之春齋  
否則有火災民訛言有緋衣三老人行火希亮禁之民

贛州府志

卷二九

縣名宦

三

不敢犯火亦不作毀淫祠數百區勒巫爲農者七十餘  
家及代去父老送之出境泣拜曰公去恐緋衣老人復  
出矣

東坡集

張尚瑗曰東坡集有陳公弼傳宋史之傳即東坡手  
筆稍加裁節耳獨其令雩都事史作鄆縣按公弼爲  
東坡鄉人季子慥與之遊好傳末言公與軾之先君  
子爲丈人行軾官於鳳翔從公二年公歿故人長老  
日以衰少恐遂就湮沒欲私記其行事則所書之政  
事地理深切著明無疑矣鄆雩都字形分合相類或  
雕板之誤宋史原本亦未必訛也

程珣字伯溫舊名溫字君玉河南人慶歷甲申以大理寺

丞知興國邑素號難治而衣錦鄉尤甚前令欲以慘酷  
威之益不服珣善教之與他鄉一視遂信服在邑二年  
獄空者歲餘江西民善爲贖券爭人田旁邑有訟積十  
餘歲不能決部使者委珣根連証佐囂然盈庭珣獨呼  
爭者訊之不數語盡得其情人以爲神假倅南安軍周  
敦頤爲獄掾年甚少不爲守所知珣視其氣貌非常與  
語果知道者命二子顥頤師事之濂洛之傳實開先於  
興國云

中參家伊傳宋集史大

曾篚吉州永豐人慶歷進士由南城簿改知龍南邑尚巫  
鬼病不藥而聽之神篚嚴爲禁設學以教其子弟邑人  
漸化之後調信州判官

贛州府志

卷二九

縣名宦

四

王希籍貫無攷皇祐間以大理寺丞令贛縣贛舊無文廟  
希至始建孫明復記祀名宦

贛縣志

蕭化基字子固廬陵人皇祐間以兄侍御史定基任奉化  
尉遷贛縣主簿恬慎祇修在位者任之卒於真州監酒

王安石誌其墓

王臨川集

沈希顏字幾聖四明人嘉祐八年知雩都公宇有妖禽夜  
啼甚哀希顏題詩於所棲樹遲明禽去縣西峽路崎嶇  
鳩工開鑿遂成坦途及代邑人王鴻贈言曰督賦以寬  
決獄以敏處己以廉御史以法明足以照欺蔽威足以  
服奸頑皆實錄云

雩都志

蔡承禧字景繁臨川人與父元導同舉嘉祐進士司理太

平調知雩都決事明敏左右不敢喘息擢監察御史裏  
行面劾呂惠卿并其弟升卿考校阿私賜五品服旌其

直張志

錢顛字安道無錫人以秘書省著作佐郎知贛縣修夫子

廟飾冠冕新祭器以治行聞治平末爲殿中侍御史裏

行蘇軾贈詩有烏府先生鐵作肝之句因號鐵肝御史

謝志

蕭佐字公弼龍泉人嘉祐進士熙寧中知信豐民有醉殺

人他鄉者他縣以過失殺不願治也尉喜事嫉使鬪勒

兵捕之佐諭解其民而自詣郡請白郡守劉彝執其手

曰君志欲靖民真儒者事論薦之移知長汀信豐志

贛州府志

卷二九

縣名宦

五

王鬲字景和崇安人皇祐進士熙寧中以著作郎知雩都

民素囂訟鬲圖古人之孝義者列其事勸誘之逾年訟

息縣南有泉灌田千頃忽產鉛錫使者欲置官冶鬲力

争遂寢其議改朝奉卽判婺州謝志

張汝賢字祖禹太和人嘉祐進士熙寧間任贛縣主簿贛

人有雙生子爭長幼郡不能決訴於朝委汝賢汝賢奏

以後生爲長從殷人之質也入爲御史終龍圖閣尚書

左司郎中泰和志

葉蕢字仲實建安人元祐中爲贛縣尉不能事上官罷去

起爲宣城丞調奉新令不赴嘗著易傳推明大衍之數

時稱精確萬嚴汝賢譜採補

謝麟字應之甌寧人嘉祐進士元祐間以安撫移知會昌  
有民被酒夜與仇鬪既歸爲親屬所殺其家誣仇者獄  
久不決麟知死者無子所親利其財故殺之訊鞫輒得  
真情邑稱神明累官直龍圖閣志謝

蔡懋字子堅仙遊人襄之曾孫靖康中爲會昌尉遇賊犯  
境領所部及土兵禦之力戰遇害贈承事郎官其子閩  
志

魏懋字覺民甌寧人第進士紹興初知雩都江西盜起虔  
諸邑多失守懋出帑金犒勵弓級誓與死守寇攻城累  
日不能克遁去岳飛提兵過雩井邑俱無殘毀甚稱賞  
之志謝

贛州府志

卷二九

縣名宦

六

董達籍貫無攷紹興八年知雩都持己正直處事公平始  
新縣治重建學校崇教化敦禮義愛賢好士文風大振  
雩都志

劉藻字廷潔保昌人紹興十四年知雩都事設施布置悉  
有程度首興學校修築城池以捍外寇勸民耕織取前  
令王鬲所作孝義圖舊本修飾刊布使民誦習邑人化  
之秩滿去民立祠祀之志謝

陳剛中字彥柔閩清人任太府寺丞紹興中胡銓上封事  
乞斬秦檜謫廣州剛中以啟事送之畧曰屈膝和親知  
廟堂禦侮之無策張膽論事喜樞廷經遠之有人又曰  
知無不言願借上方之劍不遇故去聊乘下澤之車坐

貶知安遠時與張九成等七人同謫故詩曰同日七人俱去國何時萬里許還家無子妻祝髮爲尼祀名宦志謝

趙汝回大梁人紹定間任會昌州時閩廣寇起民庶皆徙竄邑井蕭然汝回募練義勇教之兵法爲戰守脩高築城垣以待之招集流亡以實邨落寇知之不敢犯會昌志

段秀實籍貫無攷隆興元年知龍南以縣治燬於寇歎曰百里之邑維民具瞻積歲不理令之耻也率吏民肇築土城凡廳廡庫舍漸次修葺費出有經民不知擾謝志

劉安世字世臣安福人紹興進士隆興三年知雩都時郡丞以廩虛議減將校月給諸軍大譁安世借帑錢給之時稱其才及改秩郡官諷獻羨餘安世曰田瘠賦重安

贛州府志

卷二九

縣名宦

七

事羨餘遂以疾辭去歸而設教遠近從遊者踵至楊萬里嘗師事之安世沒萬里爲之制服志謝

戴翊世字漢卿安福人淳熙二年進士授衡山尉八年遷雩都丞守藉其能留置幕職有詔漕臣通融州縣財賦守檄翊世力爭於漕臺得減歲計三萬六千緡攝賦漕倅謂鄉兵無益於戰徒耗縣官錢罷遣之省費萬計而隣盜卒亦無敢犯秩滿調江華令

繆觀國平陽人由特科歷台州叅軍淳熙九年丞龍南明而不察嚴而不苟乞休去

孫逢辰字會之龍泉人乾道進士淳熙中茶寇轉剽江西逢辰以贛縣丞董餉乃齎金帛隨所至易米省饋運十

七八又奏記漕司將袁贛兩州應納油麻改折蠲其積  
逋漕司得請兩郡蒙利

趙師俠字介之汴人燕王德昭七世孫淳熙中舉進士後  
知信豐在治所作詩餘甚夥以詞章飾吏事尹先之評  
其詞摹寫風景體狀物態俱極精巧又曰爲文如泉不

擇地涌出

詞綜

雷豐建昌人由科選歷任湖湘淳熙中知興國謹慎清儉  
勤政務興學校士民懷其惠立祠祀之

謝志

莊夏字子禮永春人淳熙進士初判興國簿慶元己未知  
縣事明年庚申大旱詔求言夏上封事曰君者陽也臣  
者君之陰也今威福下移此陰勝也積陰之極陽氣散

贛州府志

卷二九

縣名宦

八

亂而不收其弊爲火災爲旱蝗願陛下體陽剛之德使  
後宮戚里內省黃門思不出位此抑陰助陽之術也永  
豐民孫六毆妻妻自剄死六懼夜舁屍興國田中宣言  
盜自興國掠殺夏密令人視六家則土屋繩樞死者則  
蓬頭禿頂也乃詰六曰盜何利而劫掠及汝乎六語塞  
自是民不敢欺嘗郤添給錢九十餘萬爲下戶代輸逋  
欠五十三萬餘則以給公家之役民感德繪像祀於學  
宮累官兵部侍郎煥章閣待制

宋史龍祠記朱

司馬遂字及之光裔孫也慶元三年知贛縣時學舍久圯  
諸生皆依郡庠遂首葺大成殿次飾講堂齋舍爲重門  
修廊下逮庖湢器用無不脩具舊廩歲輸二百斛緡錢

僅以百計遂括六鄉間田所入益錢至三倍請於州選  
補諸生寢食於學月書季考以督勵之春秋奠獻一循  
舊儀遂贍文藻政事餘閒登臨山水多所物色馬祖巖

題名勒石猶存

據周益公  
贛縣學記

萬億籍貫無攷嘉定二年知信豐有治才以邑當寇衝無  
城難以保障地勢阻山濱江版築非易億殫力經營庀  
工傭役百雉屹然先是有讖云上門驅山下門塞海若  
要成城除是萬載至是乃驗

謝志

吳柔勝字勝之溧水人嘉定間舉進士第授嘉興教諭御  
史湯碩劾其主朱子之學不可爲人師改贛縣尉韓侂  
胄用事黨禁甚厲柔勝獨與楊萬里講學不輟時謫宦

贛州府志

卷二九

縣名宦

九

嶺南者多歿於瘴還過贛妻孥率流落可憫柔勝置廣  
會館括閒田所入待之提點刑獄司辟爲屬獲盜當改  
官柔勝曰豈忍以人命博一官丐辭歸嘉定初累遷秘

閣修撰

江寧府志

邱鱗字起潛連城人爲贛縣尉嘉定十三年奏鱗有廉聲  
值紹定寇發率民於章貢二水間禦之又建章水鄉長  
步橋雲泉鄉桂源橋

謝志

鄭輪字景行德化人嘉泰進士十五年知龍南邑上鄉民  
舊不輸租忽一日數十人挈錢至縣吏驚問故曰聞有  
好官長在治吾儕何敢梗化江東石橋爲輪所建秩滿

去  
謝志

□湜字子是建安人少遊朱子之門以父任得新化簿改尉寧都有劇賊數十人深入廣右爲覲湜廉得其根穴盡傅之法刑獄使者王涔上其事於朝改丞惠安遷知贛縣一以所得於師者施之政督吏胥不少假借而以家人父子遇其士民邑有田訟更數令不能辯枉直湜一見詰問具得其情既臥病且棘猶曰某事畢矣某事未也蓋勤民不忘以至於死時寶慶三月也家無餘貲棺衾久而始具

真西山墓誌

局領字叔成廬陵人嘉熙二年知雩都施爲緩急俱有條理實心惠民四野晏然始撰雩志所著風俗學校人才坊郭科目兵制財賦諸論俱切於雩

雩都志

贛州府志

卷二九

縣名宦

十

劉弁字清叔寧化人端平進士調會昌尉時鹺寇竊發人民晝夜不寧弁至練習弓矢嚴斥堠寇不敢犯嘉熙間漕帥王埜至臨川和糴時朝廷降現錢充糴本他官皆易以楮弁獨用所降錢先辦由此知名歷改京秩終奉

議郎

寧化縣志

李進字野翁崇仁人淳祐二年進士知興國自狀有曰余腐於材而作縣所臨之俗悍獷難馴值世故泯焚而繩墨粗守後爲建康府提領當革命隱居栗門終

撫州府志

蔡志學字及之新昌人淳祐進士任興國簿清操不撓剖斷如流遷太和嘗題水府廟云平生事可對人說囊無一分關節錢寄語江神明着眼好分風力送歸船讀其

詩可知其人矣

興國志

黃邦彥字退翁括蒼人淳祐間知零都剛直通敏鋤強拊弱遇災則發廩賑救四民樂業臺府皆旌之

謝志

羅椅字子遠吉水人寶祐丙辰進士咸淳七年知信豐時當紛擾加意子惠暇與士民延見如家人所遺有四望亭六門諸詩椅與文天祥友善多徃復書札陞京搢上章請逐賈似道爲臺評劾歸未幾北兵陷饒州四方勤王之師不至憂憤不食卒

信豐縣志

張尚瑗曰周密癸辛雜識稱子遠壯年借徑勇爵捐金結客時方向程朱之學遂尊饒雙峰爲師又嘗登師憲之門賈惡其不情薄之去依維揚趙月山青鞋

贛州府志

卷二九

縣名宦

十一

破梢儼然貧儒賈移鎮揚廉知趙爲所給拉出見之曰此江西羅半州也子遠漸去既而登第宰信豐後登畿爲提轄權貨務度宗升遐失於入臨爲臺評論罷由密之言子遠生平似不容於名教者然密之爲書極詆道學伊川南軒皆所揶揄又曰饒雙峰自詭爲黃勉齋門人四方從之者數百類多不能文子遠天資素高竟爲高弟則其醜羅者乃以醜饒耳夫厚於文山豈能不薄於似道疏請出賈之人安得不爲臺評論罷之人密於似道行事不啻誦之津津掩護申雪凡韓平原史衛王之徒數多推獎因草窻以定礪谷之爲人薰蕕清濁正於是而見語曰不善者惡

之吾於子遠蓋無間然爾矣

何時字了翁樂安人與文天祥同第進士先嘗爲本州教授咸淳八年以宣教郎知興國邑衣錦鄉僻遠梗化乃即其地建安湖書院錄諸生二十八人拔四人爲之長講學課試月有章程已又秩其比伍家使有塾人使有師置進學日記躬督之改其卿曰儒林於是教化大行風俗爲之一變天祥起兵勤王辟署帥府後天祥兵敗時脫去變姓名賣卜嶺南數年乃歸病卒

參宋史忠義傳

胡文舉字仲明進賢人寶祐進士由寧國軍主簿調贛尉先是有殺人而匿其屍者不得主名文舉至偶獲一屍於池無首令死者之母驗之臂有涅跡果是其子因密

贛州府志

卷二九

縣名宦

十二

察其妻與一男子私促逮男子至而別鞠其妻妻疑事已爲男子先泄遂吐實與男子共殺夫而棄屍於池埋首於他所也掘首與屍合皆伏法人以爲神

謝志

元

陳泰字志同茶陵州人延祐元年進士授翰林供奉出尹龍南修學校郵貧窮境內人安隣境石背峒賊犯界泰率兵與戰於犁鼻山敗績死之士民悼痛收其遺骨葬於邑之馬鞍山嘉靖間都御史錢宏立祠祀之

謝志

楊景行字賢可太和人延祐二年進士爲會昌州判官先是州人不井不陶所居以茅覆之故多災癘景行教民鑿井陶瓦民賴以安已而建學舍禮師勸民斥腴田以

膳士士民立石頌美累官翰林待制會昌志

李廉字行簡安福人至正進士歷隆興錄事改尹信豐元季兵起教民習射立保伍法相守援紅巾賊奄至父老請避之不可親督吏民死戰衆潰遇害明日得屍山谷間顏色不變尚書全普安撒里聞於朝舉子敬代謝志

李敬嗣父官枕戈誓報父仇與賊力戰相繼死邑人立忠節祠以祀廉訪使韓準移牒內臺請謚其略曰本其生四忠一節之邦所以諳三綱五常之道臨難無苟免先軫之元如生之歿矢靡他杲卿之舌尚在名齊二李節配九江不可負於朝廷端有光於科第時南北道梗竟不得達謝志

贛州府志

卷二九

縣名宦

十三

陳文彬失其名清江人尹興國順帝至正戊戌僞漢將幸文才贛叛將明志高等既陷贛遣兵窺興國文彬初莅事率民固守凡再卻之城以全癸卯乃爲保障計繕墉堞浚城隍疏水環焉門有五舊無甕城至是始脩置樓以便守望環城復爲列屋四百六十餘間累歲乃畢重閉聚櫜民有固志葺文廟講堂置尊經閣又創泮水池亭於櫺星之南爲廩屋若干楹興文講學拊循恬熙民不知爲喪亂之世劉榘集翁

朱克敬籍貫無攷至正末任興國尹邑常賦七千屯田襍賦不與焉自楊吳南唐割據章貢間歲倍取之民不堪命克敬上其事於府總制不允則率吏民伏庭下泣訴

當道憫其誠與之申達且俾緩征未幾命下民額手相賀太和陳謨作申免倍徵序以頌其德

志謝

張尚瑗曰唐臯題名碑記謂文彬永樂中任而贛府志表因之興邑志表則附於洪武末年今攷槎翁寓興在辛丑壬寅癸卯三年乃至正二十一二三年也文彬作尹正在此時修城記稱歲癸卯時序鑿鑿儒學記又溯其下車之初四郊告警則與十八年贛州陷寇焚掠延於興邑之書約畧相符矣後此而甲辰乙巳當海桑避地之時爲朱侯克敬序申免倍徵又適應其候克敬邑志闕書郡志列名宦傳錄免徵請命之事次之洪武初年亦未核海桑寓興年月之故

贛州府志

卷二九

縣名宦

十四

修城記云陳侯字文彬詩中屢稱邑令文彬知其字而非名矣朱尹之以倍徵丐免也序既云章貢皆然興邑何以獨請而得所云當道亦不知何人且既咨嗟於朱令之賢何不抗章九閩徧澤南土海桑之文頗難徵信鳳渚方伯亟登之郡乘而余今日更喜而錄之語云美言可市展雲漢圖於朔風四座温如挾纊可也

明

崔天錫字彥才贊皇人由賢良舉明初取贛州即以天錫知贛縣草昧之際事多創造重建縣治及明倫堂濂溪書院造浮梁以濟章貢二水先是至正戊戌邑權僞漢

兵火版籍燬棄公私交病天錫多方訪求令民具實自呈互相參覈既有次第復按行封畛度田廣狹肥瘠糧覈役均人民稱便在任九年陞廣州知府謝志

宋宏籍貫無攷洪武元年知雩都時值草創公務蝟集宏修理庶務孜孜不怠建各官吏廡舍暨按察司城隍廟社稷等壇規畫制度悉有程式雩都志

李玉籍貫無攷洪武初知安遠建縣治於榛莽之間百姓始有寧宇城隍廟養濟院惠民藥局以漸修舉

黃六八寧化人洪武初知會昌有草寇剽劫六八請兵剿捕又議蠲賦稅以安貧民設立軍政以爲捍禦邑人賴之

贛州府志

卷二九

縣名宦

十五

陸賢吳縣人由人材舉洪武初知贛縣爲政簡易清覈田糧以正版籍民席其惠境內碑碣多其著述分省人攷

宋濂字景濂浦江人洪武初應詔出爲儒學提舉授皇太子經四年以國子司業上孔子廟堂議上不喜出知安遠在邑敷宣文教士習惟新民俗丕變五年二月召還爲禮部主事嘗薦邑人唐均弼爲本學教諭爲郡事作記傳賦數篇後以翰林學士承旨終祀名宦謝志參安遠志

楊霄遠南海人洪武初爲安遠典史邑小民寡四郊多曠土賦役繁重霄遠入京考績畫圖帖說奏減額賦祀名

宦安遠志

莘持敬福州人由人材舉洪武三年知龍南縣開創之初

經營區畫力瘁心勞事皆底績

周泰籍貫無攷由秀才舉洪武十七年知安遠濬城池興學校勸課農桑均平徭役治蹟卓然振舉寇亂守備戒嚴處給經需未嘗乏匱邑賴以完

張志

宮好禮莒州人由人材舉洪武十七年知雩都雅有幹才

嘗葺學宮飭壇壝慈惠愛民

張志

唐子儀名文鳳以字行歛縣人洪武中辟教紫陽書院以文學徵知興國教民力本務農嘗出郊躬勸勞之造士日有程課寒暑不輟邑山川勝蹟題咏殆遍擢趙王府紀善

李子昭博野人洪武中舉人材丞信豐自廣寇剽掠之餘

贛州府志

卷二九

縣名宦

十六

人民竄徙田畝荒蕪子昭奏蠲稅額十之八又請立戍

屯田爲守禦備自是流亡漸復

信豐志

陳九思浙江人洪武二十二年任龍南教諭時寇盜之後

田荒業失民困征輸九思建議奏減秋糧三千有奇民

困以蘇

龍南志

徐遜錢塘人洪武辛未進士知雩都政事修明日與諸生講說經史士皆嚮風陞徽州府

戈文七金壇人洪武間知龍南值廣寇兵火後百務廢墜

文七奏減糧稅省冗官招撫流竄課農桑歷任三年民

懷其德

白省志

王文孜遂安人由人才舉永樂元年知會昌父嘗貽書以

貪墨爲戒文孜守父訓益加砥礪門無私謁囊無剩錢  
安養生聚者數年民用殷富

張志

許庸石城人永樂四年知會昌莅政公勤庭無留牘遇工  
作貧者驗丁以出力富者量財以供費民樂趨事積年  
逋亡皆聞風投首願歸尺籍歷八年以艱去

會昌志

寇淮祈縣人進士永樂間以給事中謫知龍南明敏公正  
愷悌慈祥勸諭士民耕讀諄諄懇切

龍南志

李素字宗文蒼梧人永樂甲辰進士宣德元年知贛縣祛  
蠹釐奸邑之建春門東津渡西津門知政橋儒學殿堂  
齋廡泮池櫺星門及長興鄉移溪橋皆其創修歲荒勸  
富民出粟賑饑秩滿保留踰十五年進俸正六品

謝志

贛州府志

卷二九

縣名宦

十七

陳璉興化人鄉貢正統初知興國清勤不懈多惠政長信  
里堰塘璉所修築也母喪去民具呈上僚挽留之得請  
於朝服闋再任

袁天國志

王琳黃岡人由鄉貢知雩都邑故有舡夫之役琳謂邑人  
本分徭役已苦繁重且不諳水石而以供別郡夫舡其  
能堪乎述職至京奏請蠲免

張志

王學古交趾下洪州人正統四年知信豐撫定石背峒賊  
爲編戶邑故五畝增至六畝有半巡撫楊寧舉其最進  
階六品復任九年致仕遂占籍信豐

信豐志

唐瑜辰溪人正統九年由鄉舉知龍南自洪武末裁并學  
校以生員隸郡庠鬻舍遂廢瑜莅事疏請復之得旨仍

設師生名額依例科貢志龍南

黃振沙縣人正統間知安遠慈祥愷悌喜怒不形在任九年人咸愛之志省

林同莆田人宣德解元正統間任信豐教諭嚴毅莊正啟迪有方接見生徒輒勤問難一時多所造就志信豐

林鈍字叔魯閩縣人鄉舉正統間任興國教事有學行聚諸生講堂闡明正學夜分乃罷邑士禮經有傳自鈍始疾卒門人祠之志興國

丁杰定海人由儒士為興國訓導正統十一年署龍南方率諸生講學流寇猝至利劍脅之杰端坐不動曰吾方以聖賢之道教人乃為汝屈耶寇怒殺之志龍南

贛州府志 卷二九 縣名宦 十八

朱奎甌寧人進士景泰元年任安遠教諭學問該博勤於啟迪諸生承指授者悉成令器卒於官志張

張勝麻城人天順六年任雩都典史長河洞賊竊發勝率民夫禦之賊圍急援兵不至猶手戟殺十餘人歿於陣

志雩都

楊友諒廣通人監生成化三年知龍南會司府移檄覈田陞科友諒固爭得豁秩滿去

項德輝連城人由鄉貢成化十四年知龍南舊例秋糧轉運於郡暨會昌興國等縣灘高石險時有漂損領運者苦之德輝疏請改折民困大蘓

何讓字宗實番禺人成化中知信豐敏練嚴整不畏強禦

橋梁廩舍俱爲一新朔望課校諸生獎勸士類調南康  
陳榮瓊州人成化中令安遠下車時廉知邑豪爲民害者  
置之法一邑肅然安遠志

達泰麗水人成化間由鄉舉知興國時流寇肆毒鄰封適  
霽雨城懷民甚恐泰并力修葺不踰時繕完寇不敢犯  
病卒立祠祀焉興國志

梁潛字孔昭番禺人成化十六年由鄉舉知會昌居官廉  
勤修弊舉廢加意學校農桑長河洞素稱頑梗潛至聽  
其教令編戶日增邑治改觀會昌志

何文縉海南人成化戊戌進士知贛縣政尚平易有清望  
時當多事能舉其職擢戶部主事採表謝志

贛州府志

卷二九

縣名宦

十九

袁天麒東莞人成化末署興國教諭博學善屬文長於考  
據與邑人鍾觀編輯縣志山川名蹟人物典故皆以實  
書無文飾又與修會昌縣志潑水志

黃世忠字孝卿長樂人宏治初由鄉舉知贛縣以民俗尚  
鬼毀淫祠百十作詩徧諭百姓以憂去謝志

瞿顯成都人宏治二年以貢任龍南訓導教人以忠孝爲  
先儀度必肅言語必信雖私居亦儼然危坐出對諸生  
訓迪不倦縣志

甘文紹桂平人宏治二年知安遠邑故土城陶甃改築廣  
積儲以脩儉歲新文廟以振士風當流寇擾攘之後坊  
市街衢一新陞瑞州府通判

胡宏仁望江人宏治十年由鄉舉知龍南公明剛果獄無  
冤抑尤篤意學校朔望親爲考課差等以示勸懲卒於  
官

廿應奎江寧人宏治十一年任龍南教諭舉動不苟正襟  
危坐以督課諸生學舍傾圮力任修築

龍南志

蔣曙字景明全州人宏治丙辰進士知贛縣先是郡中職  
清戎者歲計三分以爲政績故絕軍已歷百餘年者往  
徃械繫戶丁遣送戍所曙至按核其實一一分辨之連  
牘請於清戎直指除豁者甚衆然猶未盡越二十年邑  
人王灝伏闕陳狀部檄下藩司會曙以廣東叅政遷江  
西右轄總清軍事力請於直指朱袞爲之覆疏曙入覲

贛州府志

卷二九

縣名宦

二十

又請於大司馬絕軍之續補者俱得如所奏名數盡除  
其籍覲回檄有司令里授信符以拔禍本猾胥惡去其  
利謀寢之後郡守王世芳刷理案牘始追論沉擱者罪  
刊布書冊於各里合邑之民如獲更生

贛縣志

蔡夔南寧衛人宏治十八年由鄉舉知寧都有惠政正德  
七年補安遠時何積玉將據城以叛夔焦勞備禦密集  
忠勇畫計擒積玉解散餘黨地方獲安

安遠志

吳玘籍貫無攷贛縣主簿正德十一年橫水賊謝志山樂  
昌賊高快馬合攻南康玘戰死

明史王守仁傳

紀鏞籍貫無攷贛縣丞正德十二年正月從督撫王守仁  
破賊長邨追之至象山湖與指揮覃桓格戰死

明史

黃泗福清人正德中由鄉舉知興國先是歲庚午劇賊鍾仕錦何積玉騷動江廣間支黨掠興國七月燬城火二日不滅泗來值焚蕩之餘民日夜恐寇且至乃募壯丁守城沿城置警舖二十四以處之城舊五門因脩寇塞其一至是復啟之建樓其上城壞輒繕完重構文廟兩廡增設東西齋號舍而按追田塘之侵蝕者以贍學毀諸淫祠斥其材改建三程祠移安湖書院於學宮時王守仁方撫贛判其牒而深嘉之興國舉廢記

汪穎字秀夫江陵人正德間任會昌性剛敏尤善騎射時流賊壓境穎身先士卒所至披靡賊敗走邑賴以全尋

判南昌陞九江知府

會昌志

贛州府志

卷二九

縣名宦

二十一

劉深漳浦人正德間任信豐教諭清修苦節有古君子風殷佐字時衡無錫人嘉靖初以貢選信豐訓導先是邑中仕宦絕少佐以素所聞諸師者切劘諸生後張生純得

鄉舉以爲殷師教云

唐荆川集墓志

沈璇字天粹蕭山人嘉靖二年由鄉舉知雩都常披布袍人見之輒曰布袍令公也歸之日圖書數卷而已

雩都志

吳誠字明卿瓊山人正德己卯舉人嘉靖乙未令龍南釐宿弊四十餘條申禁令絕苞苴治聲赫然沙頭賊徐守沐僭號倡亂官司不能制謝鉞李鑑者王守仁剿三泘時用之以撫輯坑峒者也積久多斲法事誠廉得其狀召至出軍門檄示之曰將逮戮汝能擒沙頭自効者免

罪且論功鉞鑑即誘守沐擒捕之支黨盡滅邑巨猾黨  
賊銜恨於令賄通泰和奸民飾詞控誠直之上僚事  
得白復視事喟然曰吾不可以一朝居矣遂乞休歸

海瑞

吳誠墓志

按張尚瑗志云誠司教柳城督府唐胄其鄉人也素  
知誠博瞻有編摩才聘至贛修都臺志諸諫草詩文  
皆出其手

王寬東陽人嘉靖十九年任龍南教諭操履端正甄別嚴  
明諸生中有貧乏者捐俸濟之時廣寇侵掠力爲捍禦

邑賴以安

龍南志

盧宇字忠獻南海人嘉靖甲辰進士丁未知興國設旣於

贛州府志

卷二九

縣名宦

二十二

門務求己過察民隱縣有虛糧千六百石民苦賠累多  
逃竄宇履畝清丈正經界平等則民力稍紓其他興革  
悉當人心當道有難鞫事必諮焉勸課諸生貧士皆得

就學遷潼川州守終登州知府

董天錫碑  
豫章書

張裕簡州人嘉靖二十六年任安遠教諭在任精勤課學  
以師道自持士爭趨之有金石君子之稱祀名宦

安遠志

陳仕字虹川崇陽人嘉靖三十年知會昌值流寇攻城急  
仕單騎出諭賊感其誠邏拜而退後以憂去行李蕭然

會昌志

陳仲芳曲江人嘉靖三十六年爲安遠教諭持身高潔立  
教端嚴蒞任八載於有司絕無干托及門士陶成甚多

安遠志

李鳳朝貴州人嘉靖戊午由歲貢任信豐王簿時賊賴清規等屢掠城下鳳朝督戰屢破之癸亥二月清規合逕腦下歷汶龍諸賊入青邨谷鳳朝攻之賊距山逆戰奮力先登爲所害數日得其屍顏色不變邑人呼其山爲

主簿腦信豐志

沈桂號萬川無爲州人進士嘉靖四十年知會昌精明敏決練於吏事移學宮創書院及兩壇皆作記銘之秩滿

陞主事石塘閭史叅會昌志

蕭棟宣化人鄉舉嘉靖四十一年署雩都教諭其學以敬爲主披籍終日如對聖賢家政雍肅即童僕將事絕不

贛州府志

卷二九

縣名宦

二十三

聞聲士子咸沐其教陞高要知縣張志

應本泉永康人吏員嘉靖四十一年任安遠主簿時三巢屢出劫本泉領兵捍禦親冒矢石以功陞永新丞張志

李多祚字可久石首人由鄉舉嘉靖壬戌知安遠時三巢搆亂大石小石伯洪三堡俱被脇從而腰古丹竹樓等保又皆招撫新民多祚調度有方每遇寇警鼓率鄉勇捍禦新民亦知自效三年考績大府吳百朋疏留加同知銜下歷之役獨當一面擒斬招降以千計寇平流移千餘家亦盡歸業築城南逕以據要害前後在任九年陞潮州知府轉海道副使謝志

龔有成嘉定人鄉舉嘉靖四十二年自詔安令調龍南值

境土爲賊殘破瘡痍未復有成愛養招徠踰年境內改觀大府吳百朋奏留爲本府同知仍管縣事比進剿高砂下歷賊有成協謀效策一鼓蕩平之以老轉蜀府長史

陳瀾麗水人鄉舉由霍州學正嘉靖丙寅陞知信豐下歷之役移鎮信豐兵將四集取辦倉卒瀾一身任之措處次第上不廢事下不損民地方恃以無恐新立定南縣疏薦詔加五品服俸卒於官

縣志

海瑞字汝賢瓊山人以鄉舉爲淳安令改調興國邑故瘠薄歲賦不登民苦浮糧乃上八議於贛撫吳百朋次第請行尤急清丈舊令盧宁著清丈事宜瑞畧仿其法定

贛州府志

卷二九

縣名宦

二十四

弓步審田形丈明則歸冊冊正則歸糧擇老人爲公正而身自履畝巡勘飛詭之弊遂絕張魁張豹者南昌尚書整族子也以市木凌轢山戶瑞按之整求解不聽則托巡道反其獄瑞詣贛撫力争終伏法贛信豐二衛屯軍其田取給各縣永樂中興國撥田九百九十九分每分三十畝宏治以後爭訟漸滋邑故多荒土民所墾者軍輒攘之瑞立議欲革軍止存佃田之人以軍田補民之賠累而輸納并於縣官事竟不行又上便宜五事謂軍門柴馬俸糧之外一毫不宜征派里中院衙內班更口遞漏消耗請嚴加防範縣官親民非至不肖無不爲民者上僚每事須責成之不可掣其肘其言深切倅直

百朋不以爲忤課民於縣南植松以護水口號萬松壩朱少宰衡素欽其勁節苦操言於嚴豕宰訥歲餘遷戶部主事以直言忤世宗下獄論死穆宗立乃釋之累官南吏部侍郎卒謚忠介興國有耑祠

備志集梁雲龍行狀

張尚瑗畧曰有明諫臣敢冒死指斥乘輿者海剛峯而外可屈指者無幾海內閭井婦豎皆能言其名其危言戇節醇疵互見獨於令興國無聞焉剛峯治興之日淺興之遺老祇以得海公爲榮而不能指其行事登諸志乘寥寥耳予閱脩忘集本梁中丞雲龍所撰行狀及一二文告奏記摘取而條貫之得政蹟三數端因并迹其去來本末以爲海興國傳吳虔撫堯

贛州府志

卷二九

縣名宦

二十五

仙朱少宰鎮山汪度容物冰鑑恤才挽之推之終使得行其志以成就後日之功名向微此二賢剛峯將不安於興國或竟以興國終未可知也

按明時興國未升爲州故縣志稱海瑞知興國縣明史本傳則云瑞已擢嘉興通判坐謫興國州判官當是傳訛

張應星同安人任會昌訓導學問淵博有司咨以公事侃侃而談不憚周詳督學徐某知其賢聘主濂溪書院

會昌志

邵于遷番禺人任會昌訓導嘗捐俸贍貧士以造就爲己

任師範一時

會昌志

闕玉成南海人鄉舉署贛縣教諭時府羅南贛兩郡英雋  
爲文會檄玉成主其事董率諸生勤勵不息陞玉山知

縣

張志

蔡應麟灌陽人鄉舉任會昌教諭教人以從義猛省便是

聖狂分途得濂洛薪傳

會昌志

方茂梧莆田人嘉靖中任雩都主簿性敦朴聞憂即日徒  
跣歸誠司門者曰吾衙宇一無損壞若等慎守之母遺

百姓修葺苦也倉惶中恤民如此

雩都志

何一達道州人鄉舉隆慶四年知贛縣性誠樸敝衣綴履  
不異儒生每見父老子弟諄諄以勤儉相勸對簿者立  
剖曲直非大干法不科罪徵輸正供外毫無餘羨後陞

贛州府志

卷二九

縣名宦

二十六

廣東市舶提舉

贛縣志

張對字汝登餘姚人隆慶戊辰進士知贛縣以愛民猶子  
處事如家二扁揭庭柱關防精密吏胥無所容其奸士  
有文行者常提誨獎進之歷陞江西按察使

贛縣志

陳行可漳浦人萬歷二年知安遠值葉楷之亂勦平請割  
十五保地建長寧縣用是一方安靖行條編保甲法歲  
饑以粟賑祀名宦

安遠志

沈文淵字上甫丹徒人鄉舉萬歷四年知長寧邑當新造  
城墉縣署學校皆一身剏之指畫周旋殫瘁心力已而  
定里均糧衡文品士團兵戍守諸務漸次就理滿考去

卒於途

長寧志

劉世懋青田人貢生萬歷八年任定南抵治值猴嶺賊鮑時秀作亂將犯大石世懋訓五哨機勇設五隘總領侈張兵威據險堵截賊懼不敢入民藉以安

定南志

劉昌祚武進人由鄉貢知雩都嘗服膺其舅唐順之教操履清白俗溺風水有停喪數十年者刻日諭之畢葬市井龍舟賽神等會一切禁之又剪除上吉鄉劇盜高魁一等四境寧謐陞金華府通判

雩都志

崔允升字吉山海門人鄉舉萬歷十一年知會昌下車即革冗役恤里甲凡不便於民者悉除之城垣公署捐俸修理月兩課士親閱其高下以示獎勵嘗纂修邑志文詞典瞻卒於官

會昌志

贛州府志

卷二九

縣名宦

二十七

章瑩鄞縣人恩貢萬歷十一年知定南才優於治在任增修城堞整飾文廟平治險逕賑濟孤貧尤喜作興人才手纂縣志廢墜悉舉

定南志

刁夢麟寶應人萬歷十九年由鄉貢知會昌憫邑瘠薄一切務從節省重懲誣告窮寃峻訟者加之罪時值編審吏胥不得詭匿爲奸滿攷薦改贛縣督造下河王虹塔勸募靡不樂從踰年陞慶遠府同知

張志

劉一臨山陽人萬歷己丑進士丁酉知信豐通敏練達剔蠹摘奸吏不敢舞法人不敢干以私卒於官

信豐志

薛雲綬福清人萬歷二十七年任興國丞條陳屯軍害民大畧謂持銖兩之糧欲席卷數十畝之熟田執衛所之

票能寢閣諸上司之明文陽以作弊之言濺及書役陰以告害之說搖夫職官剗切曉暢洞中數百年弊源知縣何應彪轉請贛撫李汝華立石禁之興國志

葉夢熊仁化人萬歷二十九年由鄉舉知定南甲辰歲饑請發大濟倉徧賑時大盜丁天勝盤據險要屢出侵掠夢熊密開員魚逕率鄉勇千人出勦擒之邑爲之寧定南志

志

吳宗周字熙偉南安人萬歷三十八年由鄉舉知興國激濺二水自城北合流過縣南舊爲浮橋以濟歲久圯壞議易以石未就宗周至慨然捐俸經始士民爭助訖工在任徵輸有法買田數十畝以資軍黃二冊解費設白

贛州府志

卷二九

縣名宦

二十八

沙渡民不病涉徙官後縣中爲長春臺志去思

阮悉懷集人萬歷三十八年由鄉舉知雩都下車問民疾苦凡額外之征毫末盡除革衙蠹十九人案牘肅清捐俸置學田以供諸生時雩都田畝半爲他邑豪宦所有糧已過戶而本戶征役不除至一人應三四丁窮黎互相流竄悉歎曰豈可肥他邑而坐困吾民乃查明田丁釐定糧額蠲除孤丁六百五十餘民患乃甦去之日士民建祠祀之雩都志

張以誠清浦人萬歷四十年由鄉舉任定南下車不妄答一人憫邑地瘠糧少供億不敷申請鄰縣協濟以甦民

困大吏從之陞桂林通判

定南志

賽啟臯字鰲石石屏州人萬歷四十八年由鄉舉任雩都  
居官嚴介人不敢干以私邑紳士之賢者嘗咨訪焉創  
思皇書院擇秀士月課之革絕火耗獄無冤民嘗攝寧  
都事寧最號難治啟臯至遇事迎刃解案無積牘雩都志  
袁孔萬東筦人任會昌教諭論人先德行而後文章以脯  
修瞻貧士常摘白鹿洞學規立條著訓被其教者多振  
作云張志

蔡鍾有字恒卿同安人萬歷末由鄉舉知興國嫻於吏職  
能得物情邑中僑戶多桀黠喜訟不得逞則更托他籍  
或一人而三四籍徧於其地闕提淆亂熒惑耳目鍾有  
請於上僚痛釐治之永樂中屯田至成宏間漸蕪府檄

贛州府志

卷二九

縣名宦

二十九

召民墾荒給帖爲業已墾者軍復爭之前令何應彪盛  
陳刁軍害民大府李汝華深然之未久復爭郡守金汝  
嘉頗庇軍鍾有條陳源委言多切中汝嘉不能奪輯縣  
志爲類十有三手自編纂迄今文獻有徵斯編之力居

多叅激水志

鄭楚勳字全初莆田人崇正七年由鄉舉令雩都事苟利  
於民毅然爲之雖拂上官不顧遷復學宮勸輸積穀儲  
荒增城墉脩器械練鄉勇次第修舉乙丙之亂邑藉以  
寧分巡副使陳士竒行縣至雩稱爲第一能吏在任九  
年以卓異考選御史邑人祠祀之雩都志

王六如字九夫黃岡人崇正七年由鄉舉知信豐時寇盜

蜂起兵役數發舊例舉富戶當之責成一人輪役經年  
鮮不破產者六如請於上官照糧編派黠者亦不得規  
避立碑著爲令邑人祠祀之

信豐志

陳履忠字公亮昆明州人崇正十一年以進士知贛縣建  
社倉脩荒初贛郡縣兩學宮並列都御史王之良遷縣  
學於鬱孤臺下以履忠董其事規制宏敞倍前廉泉側  
舊爲養濟院履忠過之曰此一郡水源也蘓陽夜話亭  
淪於蔓草若爲書院以課士可以興又教即具詳上僚  
皆得請計費不資履忠力肩之士民襄其役院成並祀  
濂溪曰周蘓二先生祠肇舉廉泉社鼎革後臺榭傾圮

獨學宮書院無廢

廉泉書院叅紀事

贛州府志

卷二九

縣名宦

三十

張尚瑗畧曰濂溪書院起於有宋之末與白鹿白鷺  
後先相望自宋洎元山長之官妙選時望爲之劉須  
谿蕭彝翁踵踐斯席地在永東有明以來日就圯廢  
至不能尋其故址謝志稱宏治間改建鬱孤臺者亦  
具文耳城南締構崇正六年所創名則廉泉也非  
濂溪也祠則蘇周兩先生也非專爲周子也公亮精  
青烏家言謂廉泉之側三潮井在焉一郡水脈發源  
於以課文養士又適當文忠公夜話亭遺蹟名以泉  
傳祀因人起元公者奉以配蘇非援以却蘇也柱國  
劉中丞志崇儒術廉泉易爲濂溪並祠改爲專祀而  
陳侯之拮据經營振興培養其苦心已茫昧矣漫堂

先生洞曉源委記中有附祀蘇文忠王文成之語今則文成留而文忠撤又不知遷變何時竊欲化道學儒林之畛域不爭不黨廓然大公則商邱之立言可法而昆明之餘烈不至於泯沒而無傳已

國朝

戴光陞山陰人崇正時爲龍南典史順治四年楊細徠黨劉耀中反光陞從令呂應夏卒兵進剿耀中勾閩寇來援突衝至營與鄉官謝朝賓諸生曾汝宮等十八人格戰死祀忠義祠

龍南志

曹廷偉字文雄臨川人順治初恩貢授定南知縣會金逆兵至殫力捍禦不屈死長子翰明次子諸生際盛從子

贛州府志

卷二九

縣名宦

三十一

翊明僕曹伏新凡十一人皆死義賊平贈江西按察使

僉事

江西通志

呂應夏掖縣人選貢順治四年令龍南戊子五月金聲桓寇贛城閩廣響應定南令張於衡從賊詣應夏給取縣印逼令詣賊軍應夏自刎幾絕於衡驚走七月寇至圍城九月城破應夏被執不屈死之祀忠義祠

龍南志

曹邦偉山西人貢生順治四年知定南六年正月流賊破城迫之降曰有斷頭縣令無降賊縣令罵不絕聲賊知其不可屈並其子殺之貢生廖汝鼎收葬之

定南志

郭自修絳縣人順治初恩貢五年授安遠知縣調石城土寇竊發城陷罵不絕口遇害

省志

吉永迪字太邱陝西人進士順治七年庚寅知信豐先是  
王令六如清革倉庫僉役陋規永迪至復痛洗之又除  
值月冷日之弊辛卯議勦安遠砂含賊練兵於新田賊  
謀從他道乘虛劫城永迪偵知之夜伏兵龍頭逕賊至  
大敗之壬辰九月復奉檄勦黃石砦副將楊栗賈三榮  
久戰無功永迪書諭以威德賊聽命所至有功統軍大  
帥以剿他賊道縣者嘗執法彈壓之不使擾民或與談  
兵較膂力多讐服以功陞郎中

信豐志

王洵字大允濰縣人進士順治七年庚寅令會昌鼎革後  
城市人煙甚稀洵招徠撫集復捐俸建治廨繕葺城垣  
處事明斷在任七年報最陞工部郎中

會昌志

贛州府志

卷二九

縣名宦

三十二

趙夢仁字卜生河南人進士順治七年知興國邑經兵燹  
後絃誦不聞夢仁振興文教諸生匿不赴試召與講論  
由是士稍嚮學邑田多荒蕪募民墾闢瘡痍漸有起色  
不二載以憂去

激水志林

蔡國相仁和人順治八年任定南典史九年十月廣賊數  
萬夜入國相率鄉勇力戰殺數十人衆寡不敵仰天嘆  
曰天絕我也挺刃入賊陣爲所擒尚徒手搏賊賊磔之

張志參  
南志

祝天壽遼東人貢生順治九年知定南縣境劇寇陳鳳廣  
賊李時戴等盤踞蹂躪六年前縣曹□韋八年典史蔡  
國用先後以身殉天壽繼任守官歷十三年當賊烽肆

熾東捍西禦日不暇給身率鄉總義勇連挫其鋒十年  
癸巳正月大敗賊衆於麤石餘賊乘間入城天壽妻死  
之天壽義不反顧撤兵旋城破之賊潰散猶以餘力修  
神仙嶺設義學於下歷司重修文廟文昌閣魁星亭葺  
東南城垣添建西北二城樓縣治復興詳請橫岡營員  
駐城以資防護具有經緯邑治保障之功居多

王焯焜字雲芝山東人貢生順治十年知贛縣加意撫恤  
催科不擾薪米有時缺乏不以告人廉隅自飭教養兼  
舉有古良吏風

贛縣志

黃之麟字瑞白宿松人順治十年令興國興界閩粵久爲  
賊踞麟招降賊王大勇滅賊孫可貴勦海窖峒賦曾拱

贛州府志

卷二九

縣名宦

三十三

震等墾田糧二千八百石有奇士民作十頌志之

江西通志

黃里字君畝湖廣人辛卯貢生順治十二年知贛縣見荒  
缺十之七繪圖泣請題免荒糧一萬三千缺丁八千七  
百留給贛鎮兵米抵作贛漕大府疏議實自里發之因

病乞歸

舊志

沈元箕字子弓吳縣人順治十二年由恩貢知長寧先是  
閩人朱家垣托歸順安插邑中結土豪分立十營閭井  
有事必闕白而後行視令尹若贅旒爲受害者十年元箕  
至以情形具告大府蘇宏祖乃以諸營爲首者畀以材  
官等銜分隸他處資訊防漸次解散所奪民產盡給主  
者大害以除

長寧志

余開熙號嵩山蒲圻人順治進士十三年令會昌清潔自持折節下士訪地方利病虛懷恭讓以此人皆知砥礪

廉隅士習爲之一振在任九月陞吏部主事

會昌志訂

李祐之字在公長山人順治十四年以選貢知雩都粵賊

范日星嘯聚東鄉即用所撫衆擒之己亥秋海寇蠢動

江左李玉廷復叛大府遣將攻圍賊壘祐之親歷行間

密捕間諜於是賊將張寧闔勝等先後投誠玉廷宵遁

獲諸九山田舍伏法雩路當孔道頻年大兵往來度嶺

芻糧丁役祐之供應有方民不告困陞無爲州守

雩都志

王枚字卜子鄞縣人戊戌進士康熙元年壬寅知贛縣時

漸承平流遺復業丁畝荒蕪者稍稍成熟有議陞科者

贛州府志

卷二九

縣名宦

三十四

枚喟然曰吾不能爲惺軼之利國遂不上聞躬飭簞篋

不問民間羸羨自爲諸生時以制藝名至是益興文學

尤工書嘗縷竹絲爲筆以書蒼鬱盤硬號四明書格

贛縣志

志

董喆字二吉玉山人康熙癸卯任會昌訓導修縣志事詳

而覈文簡而明又捐俸建育嬰堂於明倫堂左每月課

士教以主靜爲主致知爲程

會昌志

王璋字豐年浙江人康熙丙午由寧波經歷遷知興國縣

舍自戊子燬於兵璋構材修治政事亦多興釐己酉朝

議安插閩海降兵來邑開墾璋條請贛守孔興訓按籍

授田析置諸鄉俾不得聚處合勢卒伍有宄法者按律

繩之皆斂戢不敢動以鹽政罣誤去志參瀲水

井廡字素庵文安人進士康熙七年知長寧時總制董衛

國檄各縣解運預備倉穀往省協濟廡詳陳搬運利害

免解費一千八百餘兩康熙壬子閩寇海元仔入境廡

調選鄉勇委典史鄭之鵬會勦授以方畧大敗賊衆於

牛門山長寧縣志

王凝命字定一衛水人順治進士康熙七年任會昌至即

建學宮葺縣治甲寅寇警諭戶出磚一百塊建南門東

西兩閣沿濠民房逼城恐為賊壘即以磚石應用賊越

羊角水抵城下城幾陷先期請援兵率衆登陴發大砲

擊賊援兵適至并力殲其渠魁賊乃潰會昌志

贛州府志 卷二九 縣名宦 三十五

張湫字湄有黃梅人順治副貢康熙七年戊申知雩都政

務簡靜甲寅閩變其部因屯墾居興國者響應助亂據

厓石山鈔劫長樂等里乙卯擁衆來犯湫閉空城城上

多列旗幟為疑兵賊驚去己未將軍尚之孝督勦鎮撫

兵並取道雩邑籌畫供億形神殫瘁賊尋就撫湫捐俸

郵被躡之家泣事十四年陞知雲龍州邑耑祠祀之張志

錢志泗浙江山陰人興國典史甲寅之變屯弁石昭最先

發六月贛撫遣兵勦之昭與朱明拒戰於陳屋園志泗

饋餉行至江背峒寇猝至襲其後被殺冬郡丞顧岱來

諭降始歸志泗首事聞瘞一子為經歷興國志

郭毓秀字鍾山陝西人鄉舉知贛縣為人恂悞無華康熙

甲寅耿孫叛於閩粵大兵經贛有蜚語玉田民通逆主  
兵者謀殲之毓秀言於大府曰兵寇交訐此地墟烟蕭  
索獨田邨鷺谿一二邨土著保聚抄掠者無從得入誣  
以大逆耳因馳入田邨令毀其壘供芻糗倍於他所議  
得寢志參張  
余龍翔字卧菴新會人康熙甲寅由鄉舉知長寧值三藩  
叛閩廣寇起龍翔訓練鄉勇堵禦要害邑中晏然政務  
寬簡民號爲余菩薩志張

劉治國良鄉人廕生康熙甲寅知信豐丙辰六月賊王割  
耳李善長率衆萬餘攻城治國將家子有膽畧增修城  
濠督兵守禦凡捍城之具皆先事預備城被圍固守數

贛州府志

卷二九

縣名宦

三十六

月援兵至得解志張

黃惟桂字木菴真定人以鄉舉知興國康熙丙辰春至江  
西滇逆道梗巡撫佟國正留之督餉歲餘始從間道履  
任先是海孽餘部屯壑於興甲寅閩變應亂者凡十三  
寨里巷不逞之民螳聚蜂屯共二十八寨韓大任部曲  
邱興祐據泰和浪川寨界興國均材寇鈔皆在西鄙惟  
桂招懷攜貳謹扞揶豫儲待其冬大任戰敗竄入寧都  
萬安瑞金間皆假道興境惟桂率民兵登陴戒嚴賊去  
官兵之躡賊者至惟桂脩牲醴犒賚得其懽心解散悍  
民之蟠踞諸寨者乃上勦撫機宜先撫寶石次撫浪川  
又次撫鯉公鯉婆二寨皆降獨厓石寨朱明狡惡負固

乃陳狀於將軍尚之義重兵困之四閱月始自縛下山  
方諸寨就撫梁山寨楊元真緣隙謀窺城惟桂偵知之  
預請兵搗其穴元真就戮而三關寨以受韓逆之義欲  
屠之惟桂力解得免值山水暴漲齧城繼以旱災發倉  
賑饑祈霖禳疫備嘗艱瘁寇平乃議興學校修文廟前  
明令海瑞課民於春口壩種松號萬松壩天崇間里民  
毀壩壅水規其利爲田數十頃惟桂毅然修復民頑弗  
即工惟桂芟舍其上躬自督程經月而水道復故甲子  
春陞貴州永寧知州

參  
林  
激  
水

倪長犀字六通贛榆人康熙庚戌進士十八年己未令定  
南定在贛爲下邑數罹寇禍其民鹿視而豕顧長犀以

贛州府志

卷二九

縣名宦

三十七

介特自持民困蘇息在官窘甚郡守萬文麟素墨誅索  
不少諒長犀上謁文麟故以意挫辱至手口交作長犀  
遣其僕叩閭詔遣官就鞫文麟具服計贓累萬諸縣  
令以逼勒行賄不自首黜者三人長犀亦罷去其平日  
文學富贍所經歷山川詩詠品題者甚衆

張  
志

劉翰芳字北海宛平人康熙副貢知贛縣邑數經兵過舟  
船夫役芻糧措辦略不擾民盡力釐剔痛繩猾吏舞文  
文廟城垣衙署倉庫皆捐俸倡建陶植士類著有課士

偶拈

參  
志  
贛  
縣

李楓韓城人康熙進士令會昌時田多荒蕪民賦逋欠楓  
爲申請蠲豁去官無歸資士民釀贈之悉不受

江  
志  
西  
通

柴煌仁和人進士康熙二十年令會昌博學工文性卞急不狗上官意有不便於民雖嚴檄格不行獨爲總督于成龍所知及成龍調兩江煌條陳利弊數十則皆切中時弊越撫司直達成龍以所陳頒行兩江遂與上官有嫌落職

會昌志

劉爲先廬陵人任安遠教諭留心經術捐俸建談經樓延諸生講授春秋邑人士沐其教後哀貲立會爲先誕辰集名宦祠致祭迄今不廢

安遠志

李欽祖遼東漢軍康熙二十七年令會昌秉性嚴厲無敢于以私者前任案牘多以賄成率平反之民氣大舒與瑞金縣田某同旗且婚媾田於酒闌闕說情事欽祖正

贛州府志

卷二九

縣名宦

三十八

色曰飲酒行樂言不可他及大斗飲之使不得竟其說後以鹽課罷官一月開復在任凡十一年始終不易卒

於官

會昌志

楊允和號育菴遼東人康熙三十二年知安遠歲饑捐俸賑施存活萬計邑俗信堪輿好以父母枯骸屢更葬地名曰撿金允和力禁著木鐸餘音一書刊布之邑多山田爲製龍骨小車戽水灌溉至今依其法又創立義學延師教授

安遠志

盧振先字孝則錦縣人康熙四十一年令雩都甫至閩人吳臨美哨聚大田鄉居民驚動振先單騎諭之遂散俗素惑形家言停櫬至數十年振先限期瘞殯另擇地爲

漏澤園未幾洪水泛城增築河堤癸巳值蠲賦奸民煽惑聚衆爲不軌上官欲勦之振先請除首惡撫其餘人從之又修文廟新縣治陞知沔陽州

會昌志

鄧霽字旭章萍鄉人康熙丁卯副貢生平以有用之學訓人邃於易會其精旨爲易解嘗質諸太史仇兆鰲大加賞歎顏曰周易會歸司訓龍南作四書講義授諸生從學者踵相接進士陳餘芳曾振宗皆出門下時祀典闕畧霽加攷正學宮祠舍明倫堂尊經閣文昌祠次第捐俸葺治甲辰邑大饑民變霽嘆曰仕不爲民非學也密白邑宰鄭速發常平倉賑濟自登城示邑宰意逐日計口授糧變遂定又給醫藥活病者倡士民捐資修口堤

贛州府志

卷二九

縣名宦

三十九

壩捍水患自捐貲加鑿龍頭山石壁路數十丈造閣駱駝山爲縣治鎖鑰官龍南十八年陞寧都教諭龍人曰自先生鐸吾邑師我復父母我不可失相率詣學使呈乞爲士民留不得年六十三卒祀龍南名宦

參龍南志

徐暘淳安人康熙癸未任會昌政尚恤民邑產葛布名女兒葛者最精婦女治以衣其夫未嘗市也大吏欲取充貢暘曰此葛難得作貢則有定額不給恐厲民而累後因獻其羸者失上意以事罷之以交代寓居南禪寺行

李蕭然士民爭供薪米

會昌志

梁穆字改亭直隸人相國清標孫任袁州府同知攝會昌事鞠獄從寬必得其平不以重刑加人尤愛士重文及

代出寓與文士揮塵賦詩回袁日爭設供張送之會昌志

張尚瑗字宏蘧吳江人康熙戊辰進士授庶常甲申出為

興國令值邑荒稔經營賑濟按戶給糶常平穀盡乃勸

富戶出粟煮粥賑修城隍建譙樓葺文廟及社稷山川

壇費出不貲半由捐俸輯湫水志林湫江古蹟記及贛

州府志徵据博雅興國志

楊玠字承玉即墨人進士康熙四十七年知贛縣遇疑案

片言立折囹圄為空憐才恤士興復濂溪書院人文日

盛廣潮鹽道薛載德欲贛代潮商融消帑鹽玠申言不

便者再載德遂揭玠撓鹽政奏罷之贛士民乞留不得

贛縣志

贛州府志

卷二九

縣名宦

四十

汪士秀字琪石黟縣人舉浙江鄉試壬辰署會昌令下車

即痛懲豪猾吏諭之曰爾輩惡蹟不可勝誅今去其太

甚姑貫汝莫玩吾法諸吏惶恐終任無敢犯卒於官會昌志

志

黃鶴字松安廣通人康熙鄉舉知會昌貌若無能理大事

不動聲色識過於人癸巳秋雩都禾豐民倡亂劫掠與

水頭奸民共犯境鶴調兵守禦單騎疾入其邨擒其首

逆衆遂潰散修築城垣開會昌峽路建砥瀾閣於水口

又砌文昌墩於中州壩尤善培植士類寬恕莅下署長

寧禁革雜稅三十六款後以病歸囊無長物會昌志

高成麟任邱人由鄉舉任贛州同知康熙乙未攝長寧政

事嚴明人不敢欺庭無停獄縣署卑隘捐俸修之去之日民皆垂涕

長寧志

蔡寅興字尚三晉江人康熙乙未進士令長寧歲侵民掠常平倉穀寅興廉得狀僅懲其首惡設法平糶邑人有鍾姓者仇家誣以偽劄燭其奸索簿閱之乃邑中殷實戶姓名立火之反坐誣者

長寧志

金履寬字倉容湄潭人進士雍正七年任會昌開誠布公常語人曰他人做官惟恐人窺其底蘊我則不然如合邑士民能窺見我隱微必能信我而吏役無從撞騙矣在任一年

會昌志

蔣尚德字均青江南人鄉舉知安遠雍正間兩署長寧矢

贛州府志

卷二九

縣名宦

四十一

清操無矯飾吏不敢玩公事單騎下鄉民不擾

長寧志

張照乘字寶賢磁州人選貢雍正十三年調知贛縣狗邑士請遷學宮於故址縣舊無社倉積穀力勸捐輸分貯至數千石水東嶺赤色慮民有火災栽松以蔽之修八境臺葺城垣街坊以卓異擢饒州府同知歷吉安南昌

知府

贛縣志

趙國器滿洲人建昌別駕雍正間攝會昌事性直率待人以誠甫莅任大聲謂吏役曰爾等名爲吏役實甚盜賊嗣後守法則已否則痛治不少貸語畢吏請畫卯排衙叱曰焉用故套犯贓處以重刑士民樂之及代國器攜妻子徒步出署紳士約期明倫堂餞行國器佯諾之前

期謂守舍者曰紳士來爲我謝之遂行志會昌

鄭昌齡蘭谿人鄉舉初知寧都乾隆三年知會昌積久案牘決遣無留滯歷四月清三百餘案代者爲同鄉仲作楫昌齡謂之曰會邑俗習謹愿得其情易治也輾轉聚訟皆我輩因循所致不責己而謂民之難治可乎既去民立碑志之後陞瑞州知府昌參會志

沈濤字次山江陰人乾隆丙辰進士七年壬戌知長寧值邑有採木之役濤躬歷崇山攀崖捫壁採辦以應邑故不通舟楫捐俸以資載運并以童山不產良材申達大府請罷檄採專務興舉廢墜修葺文廟龕室并文昌魁星二閣創城隍廟建關帝廟移祀譚寇二公於報功祠

贛州府志

卷二九

縣名宦

四十二

立社倉於城鄉勸捐穀石春借秋還民愛載之居官六年請老歸長寧志

余應祥昆明人進士乾隆五年庚申知定南作興文教創建蓮塘書院按季考課又勸農田課桑麻歲遇荒歉開倉以賑在任九年案牘不勞民服其化卒於任繼任胡澤洪感於夢爲立遺化祠祀之歲時伏臘民爭來禱祀澤洪長沙人亦賢令以事去官邑人祖送出境外不絕增新

左修品字遜五衡陽人任安陽令乾隆十三年改雩都前令失於寬柔民不檢束修品痛懲積弊持法嚴明除去敗羣甚衆闢文廟建書院士習大振雩都志

論曰郡屬諸邑昔稱山僻峒深寇盜充斥之區也治  
此土者動以巖疆難理夫知其難而善導拊循之則  
難者易知其難而苟且操切以圖之即易者亦難不  
思效漢循良之化鶚爲鳳徒委於巖疆之險健可乎  
善夫以身教者責己而恕人使人人各返於性天洵  
大異乎俗吏之爲也程大中治興國二年而獄空者  
歲餘海剛峯去興國二十年民聞其過贛猶爭攜壺  
漿致慇勤郡屬前令軼事尚在人口不寧惟是當明  
之末造而有贛縣令陳履忠之治行當我朝之肇  
興而有龍南尉戴光陞之死忠即司鐸之員青氈首  
蓓教授生徒各以文章氣節相砥礪而門下多伏節

贛州府志

卷二九

縣名宦

四十三

死事之士不誠足以勵官常而風將采也欺

寧都三州縣附

王揆 李寰 孟植 沈木 廖謙

魏泌 林光裔 彭鉉 趙紉夫 劉弁

趙時儋 粘合大本 曾止善 曾仕魯 莊濟翁

查允中 朱伯齡 楊士奇 李炯 王尹哲

周昂 蕭永秀 聞韶 萬琛 蔡夔

黃存禮 王天與 陳大綸 王鈇 趙勳

張輻 何右之 周坦 雷塾 成宗曉

潘翊 胡汝器 吳朝相 張大猷 呂若愚

陳言 王光蘊 唐繼顏 李廷龍 錢江

郭堯京 伍達行 宋必達 萬蹶生 王維威  
朱維高

王揆字孔度黃岡人泰和六年令虔化築子城鑿濠池建  
廨舍創始之功居多志謝

李寰字畿卿郴州桂陽人紹興二十六年知寧都利弊無  
不興除梅江水漲涉者易溺寰作橋以濟民爭趨役將  
代猶夙夜董勸畢役而後行父老肖像祠之廬陵楊萬  
里記志謝

孟植字元立撫州人初判南康簿茶寇聞其至遁去紹興  
中改知瑞金事以最聞志謝

沈木崇德人嘉定初進士知石城時汀寇入境巡司以同

贛州府志

卷二九

寧都三州縣

四十四

姓者指爲賊木察其非是破械與約使捕熊子開等自  
白果縛以獻人服其明志謝

廖謙字仲益衡陽人嘉定七年知寧都增置學田三十二  
畝以資餼廩後簡貳郢州志採表謝

魏泌字深甫常山郡人嘉定九年知寧都捐俸七十萬緡  
購田八十畝贍學躬勤課校時登賢書者十有二人又  
建梅江石梁二百餘口民不告勞志謝

林光裔福州人嘉定十二年知寧都周知民隱舉行荒政  
寧俗多溺女光裔儲米爲舉子倉積俸爲舉子錢貧民  
生女者先給錢米養產母閱月抱女至庭驗視月給米  
二斗周歲而止行數年全活甚衆志謝

彭鉉字仲節清江人龜年子以父蔭錄用嘉定十六年癸  
未知寧都事繕城衛民置田贍學累官知本州蠲逋負  
二十萬擢直寶謨閣

趙紉夫福州人紹定四年以贛尉攝寧都時石城寇黃元  
仲僭號狂逞紉夫葺城注濠爲守禦計賊圍城登臺射  
之稍退率兵追北遂擒元仲明年還贛父老磨石紀其  
功尋陞知本縣能聲益著

謝志

劉弁字清叔寧化人端平二年進士歷會昌尉知瑞金築  
城建學以平洞寇功改京秩終奉議郎

謝志

趙時儋紉夫從子景定中知寧都先是礫下賊廖四猖獗  
勢將逼城儋在道聞警謂此城季父所創也何可不救

贛州府志

卷二九

寧都三州縣

四十五

遂單騎疾馳至邑選募義丁禦賊勸諭富民出資給兵  
食與賊戰大敗之斬其渠首縱火焚賊砦

粘合大本字彥中河南人初尹華容至順二年同知寧都  
州勵學勸農鋤強植弱威惠並行秩滿去

謝志

曾止善吉永豐人由儒士舉任石城縣尹紅巾盜起止善  
率兵拒敵被執窘辱備至終不屈爲盜所殺

永豐縣志

曾仕魯河南魯山籍至正十年尹瑞金恩威並濟嘗修飾  
學宮門廡建譙樓工訖而民不擾

謝志

莊濟翁永春人洪武辛亥由儒士知寧都以教化爲先每  
朔望召諸生畢赴庠序聽講恤貧均賦鉏豪猾修陂塘  
立津梁陞員外郎去後人爲築思莊臺

查允中休寧人洪武二十二年由鄉貢知寧都值征南將軍臨境剿賊允中應給軍需賊平撫綏黎庶奏豁荒糧五千八百石有奇白省志

朱伯齡金華人以人材舉洪武二十八年主寧都簿時陂

陽諸鄉爲流賊殘破田野荒蕪里甲代輸賦稅伯齡特

爲疏免

寧都志

楊士竒初名遇泰和人弱冠遊贛贛守辟攝石城教事石城令邵子鏡亦儒者禮重之邑有商人過關吏閱其裝得僞鈔數百貫送縣疑其造也榜掠不伏子鏡以問士竒士竒曰僞造當重辟奈何以意真人重法乎子鏡竟焚其僞鈔寬商罪商懷金以謝却不受後歸里爲解縉

贛州府志

卷二九

寧都三州縣

四十六

所知更今名累官華蓋殿大學士謚文貞

石城志

李炯河間人永樂初年丞石城廉靜簡易練習吏事公移必自屬草胥吏不得高下其手役均訟理人心悅服

王尹哲慈谿人永樂中由儒士知石城崇尚教化不事鞭朴頑梗者亦多悔悟遠年流移樂於歸業

周昂字時舉曲江人由鄉舉正統丙寅知寧都持廉秉公勸農興學戊辰閩寇鄧茂七倡亂連破瑞金石城二縣昂預爲武備伺寇至率丞田肇督勇壯與賊戰於東龍屢有擒獲已又敗之上礫白玉賊遁去論功陞本府判仍掌縣事尋改思恩府

蕭永秀天順中由鄉舉任石城教諭學有源委教不獵施

每深夜課諸生攜粥茗以助勤苦成就甚衆

聞詔羅田人成化二十一年知石城才識通明幹辦敏給防禦廣寇兵食恒足開拓城池以調繁去

萬琛字廷猷宣城人由鄉舉初選清江令宏治甲子補瑞金居數月廣賊乘元旦夜殺門卒攻城突入居民洶洶竄伏琛從兵壯數十人迎敵相持竟日力屈遇害時宏治乙丑正月二日守上狀詔贈光祿寺少卿

蔡夔南寧衛人由鄉舉宏治十八年知寧都有惠政正德七年補安遠時何積玉將據城以叛夔焦勞備禦密集忠勇畫計擒之解散餘黨地方獲安

黃存禮宜章人正德四年任石城訓導以道義自持剛介不屈又爭復學地豪右銜之

王天與字性之興寧人正德甲戌進士知寧都廉平有政蹟丙子從王守仁征橫水泃頭桶岡龍川諸寨有功陞俸二級己卯從討宸濠冒暑疾作卒於軍守仁解衣爲殮明年錄平逆功優恤其家邑人肖像以祀

陳大綸字伯言南寧人嘉靖八年己丑進士嘗受學於王守仁壬辰知寧都諮詢民間利病亟爲興除創立社學命塾師教童子歌詩習禮風俗一變

王鈇字公儀侯官人嘉靖壬辰進士十七年戊戌以南京戶部主事左遷瑞金令廉明強幹荆鄉校聘明儒爲群士師置田以供課藝費隣寇竊發鈇多方備禦時出偏

師挫其鋒遷東平知州

趙勲字彝伯番禺人嘉靖二十年由鄉舉知瑞金瑞故小  
邑使傳旁午泰和安福勢豪多以寄莊優免土著不堪  
差役勲請均徭始得蘇息興學校修邑志改建雲龍橋  
嘗刻諭誡十七條以化導民俗委賑龍南信豐存活甚  
衆安遠黃鄉賊葉金糾衆剽掠官軍莫能制勲奉檄往  
諭挾四小吏單騎入賊所推誠慰撫縛倡亂者以獻因  
築城寨設巡司一方晏然以治行徵授御史

志瑞金

張輻字士衡山陰人嘉靖乙未進士二十五年丙午以刑  
科給事左遷知寧都慈祥惇大嘗舉孝行節烈以勵頹  
俗歷按察副使

贛州府志

卷二九

寧都三州縣

四十八

何右之順德人嘉靖二十八年由鄉舉知石城有幹才懲  
猾平冤清豁絕軍百有餘名世食其德卒於官

周坦博羅人嘉靖三十二年癸丑署石城教諭少聞王守  
仁之學至是闡發宗旨啟迪後人陞瑞昌知縣

雷塾建安人嘉靖三十四年任石城典史流寇攻圍縣城  
塾雨夜跣足巡邏厲衆堅守用計破賊邑賴以全

成宗曉湘鄉人嘉靖三十五年丙辰由鄉舉令石城城垣  
圯累任修之無效宗曉身莅版築遂堅完芘之者數十  
年寇警禦之方以病卒於官

潘翊錢塘人嘉靖三十七年庚戌令寧都縣無驛通過差  
夫馬責之民間翊首立官船官馬有權於法者餽以金

翊嚴拒寘於法陞沅州知州志採舊表

胡汝器普安人嘉靖三十八年以鄉舉署瑞金教諭德性温雅學有淵源課士無間寒暑資給貧生惟恐不及陞成都知縣

吳朝相貴縣人嘉靖三十九年由鄉舉署寧都教諭每接生徒講論娓娓有婚喪不能舉者貲助之陞竹山知縣張大猷高要人嘉靖四十四年乙丑司訓寧都爲郡守所敬禮隆慶三年定南初立縣薦陞教諭循循誘掖擇其子弟可教者親授句讀而講解之禮儀俱爲引導遷汀州教授

呂若愚字可明新昌人嘉靖乙丑進士除長洲令隆慶三

贛州府志 卷二九 寧都三州縣 四十九

年調瑞金恢復書院闢宣文門增修公署橋梁祠宇時紅白蓮邪教煽惑愚民跡其渠魁二三人冥於法餘皆解散終駕部郎中志謝

陳言號清橋鄞縣人萬歷六年由鄉貢知石城性嚴介不以色笑假人巡行鄉落不受民間一簞一筭修黌宮繕橋道諸廢畢舉忤巡察張以酗酒劾之然言實性不善飲也後馬令調鸞條其善政申請入名宦

王光蘊永嘉人萬歷二十二年由鄉舉知寧都訟簡刑清專務德化賦完事理重修邑志陞寧國府同知

唐繼顏全州人萬歷辛丑由鄉舉知石城政先節授清操自矢無所矯飾遷常德別駕

李廷龍順德人進士天啟四年令寧都持廉不名一錢家  
鬻荔枝山以供官用官署所贏者惟束帖數箱陞吏部

文選司祀名宦

寧都志

錢江字珥信嘉興人順治己丑進士庚寅知瑞金邑有劇  
盜陳其綸許勝可僧超忠忠據銅鉢山聚僧兵千餘江  
廉得忠之讐爲盜者移檄營將陽勒兵將誅之諭忠使  
助官兵擊賊自効忠喜信之將百騎來赴復遣人說之  
使偕數騎問道疾行來謁條畫賊情伏兵中路縛之餘  
黨駭散因風諭其綸曰汝地險衆勁孰與銅鉢不釋甲  
且爲超忠續其綸懼出租稅用吏教猶間與其徒借交  
報讐掠商賈市物會閩賊劉芳羅承俊等率衆附於許

贛州府志

卷二九

寧都三州縣

五十

勝可嘯聚羅漢巖江聞於贛撫發兵勦之兵至江誠其  
帥曰賊據絕險攻未易拔當長圍坐困之帥如誠賊既  
窘江察軍中與勝可有舊者遣往諭降勝可欲就撫餘  
賊不服使還報江語帥宜因其懈疾擊之遂潛師夜進  
果擒勝可及閩賊十三人乙未春贛撫遣師聲言援漳  
實圖其綸而別將將兵疾趨縣境皆用江謀也江會兵  
大栢親部勒鄉勇攻其北赴漳之師轉而繞其南其綸  
潰圍走移諸將分地搜捕獲之烏橋嶺一時賊渠名猾  
無一脫者江在任興復雲龍橋均里役政績多可紀行  
取爲兵部主事後督學山東以得士稱

據伍達行  
平寇記

郭堯京字平野高陵人順治十年由鄉舉知石城刻意興

釐葺學宮建啟聖及名宦鄉賢諸祠繕城堞造警舖皆捐俸爲之先是大盜陳其綸與東關盜黃允會踞砦未散隣界羅漢岩劇寇沿鄉肆劫堯京募鄉勇伏險堵截其綸潛遁在任八年陞祁州知州

伍達行字拓公南昌人崇正己卯鄉舉順治間司教瑞金肆力歐蘇著述放縱排異成一家言雩都易學實素以文章自雄達行至章貢間一時稱同榜二大家在任以身教象湖士氣斐然興起陞松溪令

宋必達字其在黃岡人順治辛丑進士康熙己酉令寧都清泰懷德二鄉久罹寇燹多流移必達請盡蠲逋賦以徠之漸次開墾甲寅韓大任兵犯吉安營將欲發兵四

贛州府志

卷二九

寧都三州縣

五十一

鄉必達不聽倣王守仁保甲法簡習義勇以團練約束之經歲得勝兵千餘汀州賊奄至縣境縣有南北二城南民北兵營將劉某趣必達至北城計事南城民遮行曰是叵測必達不顧遂往劉曰餉寡不能支久奈何必達曰賊本烏合掩其始至可一鼓破也劉感於義激率所部進賊少却必達揮義勇橫擊之賊奔復盛兵壓城隨方脩禦會援至賊解圍去縣民有從賊者擒得鞫之稱彭榮實教我彭榮者邑諸生嘗與縣胥訟語侵令賊引以自脫必達怒曰天道神明安可枉也不問榮而以重律按賊後以粵鹽鹽引督銷不及額鐫官

韓志

萬蹶生字文若武進人康熙甲寅由副貢令寧都初下車

減徵稅耗羨一粟一薪之費不以取諸民三逆變起吉  
汀之間皆賊黨所潛伏俗故好亂蹶生踵前令宋必達  
鄉勇之制部署民兵訓練之防協兵弁攝其威無敢動  
丁巳韓大任竄入縣境蹶生多方說之遂不犯城既而  
郡兵與省兵皆大集蹶生支應有方民得不病明年以  
事黜既解組猶居寧累年無以自食士民群資給之

李魏

德政  
序

王維威富平人任石城典史康熙甲寅石城被閩逆攻圍  
維威視事甫三日與照磨李德明協志守禦晝夜登陴  
二旬乃解丙辰劉應麟以盛兵至其部將蔡最驍勇所  
領皆鐵騎維威與搏戰破之嘗巡城矢集臂弗爲動三

贛州府志

卷二十九

寧都三州縣

五十二

載寇禍卒保危城

石城志續

朱維高號含英閩中人康熙二十二年由鄉舉知瑞金邑  
苦里役維高下車即禁革私當之弊又除去里長名色  
公議民人值櫃豎碑縣門永以爲例民困大蘇決獄明  
斷廉介持身民尤感德

瑞金志